

Nakorsaaitit pillugit Inatsisartut Peqqussutissaattut siunnersuut

Pillugu

Inatsisartut Ilaqutariinnermut Peqqissutsimullu Ataatsimiititaliaata

ISUMALIUTISSIISSUTAA

Siunnersuutip aappassaaneerneqarnerani saqqummiunneqartoq

Inatsiartut Ataatsimiititaliaat suliarinninnermini ukuninnga inuttaqarpoq:

Inatsisartunut ilaasortaq Agathe Fontain, Inuit ataqatigiit, siulittaasuugallartoq

Inatsisartunut ilaasortaq Ole Thorleifsen, Siumut, sinniisussa

Inatsisartunut ilaasortaq Enos Lyberth, Siumut

Inatsisartunut ilaasortaq Godmand Rasmussen, Atassut

Inatsisartunut ilaasortaq Astrid Fleischer Rex, Demokraatit

Inatsisartut Ilaqutariinnermut Peqqissutsimullu Ataatsimiititaliaata ulloq 18. april 2005-imi siullermeerinninnerup kingorna siunnersuut misissuataarpaa makkuninngalu oqaaseqaateqarniarluni:

Tusarniaanermi akissuteqaat

Siunnersuutip pineqartup tusarniaanermi akissutip nuutinnera siunnersuummik uannga ataatsimiititaliap suliarinninneranut atugassatut ataatsimiititaliap pissarsiarisimavaa.

Attuumassuteqartorpasuit tusarniaanermi akissummik tunniusseqqullugit kaammattorneqarsimapput, amerlanerillu periarfissaq tusarniaanermi akissuteqaammik tunniussinissaminut atorsimavaat.

Apeqquteqaat

Siunnersuutip siullermeerneqarnerani apeqqutit qaqqinneqarsimasut pillugit Peqqinnissamut Naalakkersuisumit nassuiaammi ataatsimiititaliap siunnersuummik suliarinninnissaanut aatsimiititaliaq tigusaqarsimavoq. naalakkersuisunut ilaasortap nassuiaataata nuutinnera isumaliutissiisummut matumunnga ilanngussatut ilanngunneqarpoq.

Siunnersuutip imarisaa

Peqqinnissaqarfiup suliassaanik Namminersornerullutik Oqartussat 1992-imiit tigummatigilli pineqartoq nalimmassarneqarsimanngitsoq ataatsimiititaliap maluginiarpaa. Nakorsaatit pillugit inatsisiliorneq ullumikkut nunatsinni pissutsinut naleqqussarneqartariaqartoq ataatsimiititaliap naleqquttuutippaa.

Nakorsaatit pitsaassusaasa isumannaatsuunissaasalu nakkutigineqarnissaat nakorsataateqarnermut tunngasuni qulakkeerunneqassasoq suliniutit ilagaat.

Pineqartumut ersarissumik najoqqutassiaqarnissaanik Naalakkersuisut qulakkeerinninnissamik peqquneqarnissaat naammagisimaarneqarpoq. Nakorsaatinut tunngatillugu atuagarsornikkut naalakkersuisunik siunnersuisinnaasunik nakorsaatinut ataatsimiititaliamik pilersitsisoqartariaqarpoq.

Ataatsimiititaliap pingaarnertut naatsorsuutigaa neriuutigalugulu maannakkut atorneqartut saniatigut avataaniit nakorsaatinik akikinnerusunik pisisoqarsinnaalernissaa periarfissiuunneqassasoq.

Siunissami nunatsinni nakorsaatinik tunisassiorsinnaanerup siunnersuutikkut ammaanneqarnera ataatsimiititaliap pitsaasutut isumaqarfigaa.

Siunissami nunatta EU-mik suleqateqarsinnaaneranut tunngatillugu siunnersuut pitsaasup tungaanut alloriarnertut isigineqarsinnaavoq. Taamaattoq siunnersuutip kinguneqaatigisinnaasai pillugit piffissami matumani tamakkiisumik nassuiaasoqarsinnaannginnera ataatsimiititaliamit maluginiarneqarpoq. Tamanna EU-mik isumaqatigiinniarnissami Naalakkersuisut eqqumaffigissagaat ataatsimiititaliap kaammattuutigissavaa.

Taama oqaaseqarluni Ilaqutariinnermut Peqqissutsimullu Ataatsimiititaliap isumaqatigiittup siunnersuutip ilusimisut iluseqartup aappassaaneerneqarnermini akuerisassanngorlugu inassutigaa.

Agathe Fontain,
Siulittaasup tullia

Ole Thorleifsen

Enos Lyberth

Godmand Rasmussen

Astrid Fleischer Rex